

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«03» փետրվարի 2020թ.

N 4-35/62

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ս. Ղահրամանյանի կողմից 20.02.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Արմեն Սմբատի Ամիրյանի կողմից սեփականության իրավունքով իրեն պատկանող Գ. Նժդեհի փողոցի հ. 58 շենքի հ. 1 հասցեում ինքնակամ իրականացվել է պատուհանի բացվածքի բացման և պատուհանի տեղադրման շինարարական աշխատանքներ, որի վերաբերյալ 21.02.2020 թվականին կազմվել է վարչական իրավախախտման վերաբերյալ թիվ 033375 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Նկատի ունենալով այն հանգամանքը, որ աշխարհում և Հայաստանի Հանրապետությունում նոր կորոնավիրուսային հիվանդության տարածման կապակցությամբ ՀՀ կառավարության 2020 թվականի մարտի 16-ի «Հայաստանի Հանրապետությունում արտակարգ դրություն հայտարարելու մասին» թիվ 298-Ն որոշմամբ հայտարարվել է արտակարգ դրություն՝ Հայաստանի Հանրապետության ամբողջ տարածքում՝ 2020 թվականի մարտի 16-ից՝ ժամը 18:30-ից սկսած, մինչև 2020 թվականի ապրիլի 14-ը՝ ժամը 17:00-ն ներառյալ ժամկետով, որին հաջորդել է Հայաստանի Հանրապետության ամբողջ տարածքում հայտարարված արտակարգ դրության գործողության ժամկետը երկարաձգելու մասին ՀՀ կառավարության 2020 թվականի ապրիլի 13-ի թիվ 543-Ն որոշումը, համաձայն որի արտակարգ դրության գործողության ժամկետը երկարաձգվել է մինչև մայիսի 14-ը՝ ժամը 17:00-ն ներառյալ, հետևաբար հարուցված վարչական վարույթը «Վարչարարության հիմունքների և վարչական վարույթի մասին» օրենքի 49-րդ հոդվածի 2-րդ մասի հիմքով 17.03.2020 թվականի հ. Վ-11/116 որոշմամբ կասեցվել է մինչև 2020 թվականի ապրիլի 14-ը՝ ներառյալ, իսկ 15.04.2020 թվականի հ. Վ-15/116 որոշմամբ՝ հարուցված վարչական վարույթի կասեցման ժամկետը երկարաձգվել է մինչև 2020 թվականի մայիսի 14-ը՝ ներառյալ: Նշված ժամկետային ընդունված որոշումները ներկայումս հանդիսանում են ուժը կորցրած իրավական ակտեր:

Հաշվի առնելով այն հանգամանքը, որ Հայաստանի Հանրապետության կառավարության 2020 թվականի ապրիլի 14-ի թիվ 543-Ն որոշմամբ Հայաստանի Հանրապետությունում հայտարարված արտակարգ դրության ժամկետը Հայաստանի Հանրապետության կառավարության 2020 թվականի մայիսի 14-ի թիվ 729-Ն որոշմամբ երկարաձգվել է մինչև 2020 թվականի հունիսի 13-ը՝ ժամը 17:00-ն ներառյալ ժամկետով, սակայն նկատի ունենալով այն հանգամանքը, որ Հայաստանի Հանրապետության պարետի կողմից ազատ տեղաշարժի խիստ սահմանափակումները վերացվել են, հետևաբար վերացել է սույն վարչական վարույթի կասեցման համար հիմք դարձած հանգամանքները:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Արմեն Սմբատի Ամիրյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել Արմեն Սմբատի Ամիրյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով հետ են վերադարձվել կամ կամ մինչ օրս չեն վերադարձվել, իսկ քաղաքացին չի ներկայացել քաղաքապետարան:

Հաշվի առնելով, որ Վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ

հոդվածի 1-ին մասի «բ» կետով՝ 21.02.2020 թվականին կազմված հ. 033375 արձանագրության հիման վրա հարուցված վարչական վարույթը 10.06.2020 թվականի հ. Վ-23/53 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Արմեն Սմբատի Ամիրյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Արմեն Սմբատի Ամիրյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ քաղաքացուն չհայտնաբերելու պատճառով և հետ են վերադարձվել:

Վարչական իրավախախտման գործի վերաբերյալ 05.08.2020 թվականի հ. Վ-31/46 որոշումով քաղաքացի Արմեն Սմբատի Ամիրյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 05.08.2020 թվականի հ. Վ-31/49 որոշումով կասեցվել է քաղաքացի Արմեն Սմբատի Ամիրյանի նկատմամբ 21.02.2020 թվականին կազմված հ. 033375 արձանագրության հիման վրա հարուցված վարչական վարույթը:

Հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Արմեն Սմբատի Ամիրյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Արմեն Սմբատի Ամիրյանին Երևանի քաղաքապետարանում 03.09.2020 թվականին կայանալիք գործի քննությանը ծանուցելու համար:

Հարուցված վարչական վարույթի շրջանակներում քաղաքացի Արմեն Սմբատի Ամիրյանը 03.09.2020 թվականին ներկայացավ Երևանի քաղաքապետարան և մասնակցեց գործի քննությանը, որի վերաբերյալ համապատասխան նշում կատարեց գործի նյութերում:

Քաղաքացի Արմեն Սմբատի Ամիրյանը (նույնականացման քարտ 000751123, տրված 02.12.2012 թվականին, 009-ի կողմից) բացատրություն տվեց այն մասին, որ լուսանկարներում պատկերվածն իր տարածքն է: Արձանագրությունը կազմվել է իր ներկայությամբ և ստորագրված է իր կողմից: Պատուհանի բացվածքի բացման և պատուհանի տեղադրման աշխատանքները կատարվել են փետրվար ամսին: Աշխատանքները ավարտել է: Մինչ աշխատանքները կատարելը չի դիմել թույլտվություն ստանալու համար: Ընդունում է իրավախախտում:

Քաղաքացի Արմեն Սմբատի Ամիրյանը հայտնեց նաև, որ սույն գործի քննության արդյունքում գրավոր տեսքով ընդունվող եզրափակիչ վարչական ակտն իրեն ծանուցել Երևան քաղաքի Գ. Նժդեհի փողոցի հ. 58 շենքի հ. 1 հասցեով և էլեկտրոնային եղանակի միջոցով, այն է՝ վայբեր /Viber/ հեռախոսակապ-հեռահաղորդակցության 077431343 համարով:

Քաղաքացի Արմեն Սմբատի Ամիրյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

Գործի քննության ընթացքում՝ որպես մեկ համակցություն, հետազոտվեցին արձանագրությունը, անշարժ գույքի նկատմամբ իրավունքի պետական գրանցման վկայականի պատճենը, Երևանի քաղաքապետարանի աշխատակազմի հասարակական կարգի պահպանության ծառայության պետի 25.05.2020 թվականի հ. 51/44-19882, 07.08.2020 թվականի հ. 51/44-19882 գրությունները, 17.03.2020 թվականի Վ-11/116, 15.04.2020 թվականի հ. Վ-15/116 որոշումները, Երևան քաղաքի Էրեբունի վարչական շրջանի ղեկավարի 17.06.2020 թվականի հ. 24/1-8/20/56859, 07.07.2020 թվականի հ. 24/1-8/20/64705 գրությունները, ՀՀ Ոստիկանության Երևան քաղաքի վարչության Էրեբունու բաժնի պետի 26.08.2020 թվականի հ. 13/5-10301 գրությունը, ինչպես նաև Արմեն Սմբատի Ամիրյանի կողմից տրված բացատրությունները և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Արմեն Սմբատի Ամիրյանի կողմից սեփականության իրավունքով իրեն պատկանող Գ. Նժդեհի փողոցի հ. 58 շենքի հ. 1 հասցեում ինքնակամ իրականացվել է պատուհանի բացվածքի բացման և պատուհանի տեղադրման շինարարական աշխատանքներ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված շինարարության թույլտվություն չպահանջող աշխատանքներում:

Քաղաքացի Արմեն Սմբատի Ամիրյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Քաղաքացի Արմեն Սմբատի Ամիրյանի նկատմամբ 05.08.2020 թվականի հ. Վ-31/49 որոշմամբ կասեցված վարչական վարույթը վերսկսել:

2. Քաղաքացի Արմեն Սմբատի Ամիրյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամ գումարի չափով:

3. Նախագգուշացնել քաղաքացի Արմեն Սմբատի Ամիրյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանձապետարանի N 900015211239 հաշվեհամարին:

5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՐԱՄ ԱՐՈՎՅԱՆ